



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Constans Defensio, Ex S. Scriptvra, Et Vera Catholica  
Doctrina, Atqve Observatione Vniuersalis Christianæ  
Ecclesiæ Deliberationis de Christiana Reformatione**

**Bucer, Martin**

**Genevae, 1613**

Quomodo Oratio interciderit 38

**urn:nbn:de:hbz:466:1-34315**

xit, *Si fortè exaudiat vos Dominus: non ideo Propheta & Apostolus ille docere voluerunt, dubitandum esse in oratione, sed ipsi potius dubitarent, utrum homines isti rectè orarent, annon.* Etenim aperte dixit Dominus, *Quicquid petieritis Patrem in nomine meo, dabui vobis, & ego faciam vobis.* Ioan. 14. & 16. Sic neque Cyprianus voluit, quod lapsum in Oratione dubitare deberent, sed hoc in eis damnat, quod plenam veniam, & reconciliationem cum Christo atque Ecclesia sibi vendicabat, antequā ab Ecclesia absoluti essent.

Quamobrem inter orandum de benigna exauditione per Christum dubitare, ingens peccatum est: semper enim abnegationem Dei in se habet. Verum de nobis ipsis, & impura oratione nostra, quandoquidem nunquam firmiter in nomine Christi oramus, dubitare, ac pusillanimos esse, id bonum est: modò nosmetipso in Christo Domino refocillēmus, qui aduocatus noster apud Patrem esse, omniāque nobis impetrare vult, per quem etiam perpetuo pro augmēto fidei orare debemus. Qua de re liber prolixè docet. Legatur locus.

*Q*uin & hęc quoque ex mani ēstē improbis calumniis vna est. Vbi enim liber ponit, Eum qui se exaudiiri à Deo dubitat, dubitare etiā, utrum Deus verax sit, pro eo supposuerunt Aduersarij: Eum qui utrum statim Deus suas preces exaudiat, dubitauerit, dubitare de hoc quoque an Deus sit verax. An non appositiō vocabuli (statim) manifesta depravatio est? Quasi liber vellē eos condemnare, qui dubitant, utrum Deus statim velit illis omnia largiri, quae petunt. Sæpē numerō precamur pro rebus temporalibus, quę utrum nobis viles sint, ignoramus. Quare igitur non etiam dubitaremus, an Deus sit eas nobis largitus? Verum pro talibus rebus, siquidem in nomine Christi oremus, non precamur simpliciter, & sine conditione, sed semper adiungimus. Quatenus nobis conducant ad gloriam Dei. *Sanctificetur nomen tuum, Adueniat regnum tuum, semper in omni fidei preicatione præcedunt: & iuxta hęc oratio de Pane quotidiano temperanda est.* Cæterum non hac de re illis agendum est, alioquin Calumniis suis facile superfederent.

---

#### Quarta pars huius Accusationis.

##### Quomodo Oratio interciderit.

##### CAP. XXXVIII.

**V**A R T A Accusatio est, librum queri, ac si Christianus orandi mos penitus, iaceāque extictus, adeo ut vix illus in Ecclesia recte & Christianè oret. Cum tamen perpetuū doctum sit, Deum in rebus omnibus, & in quacunque necessitate inuocari debere per Christum, id quod testatur Collectio.

##### Responso.

**Q**vicunq; non alioquin Christianæ Reformationi repugnat, is gloriā dabit Deo quod verè Christiana Oratio horribiliter interciderit.

ciderit. Recte enim ac Christianè is tantum orat, qui in verè Christianā vitam quoque se tradit. Quicquid de ea desideratur; id etiam verè precatiōne deest. Quomodo verò res vbiique nostro tempore comparatè sunt, nimis preh dolor, manifestè patet.

Veteres Collecte recte quidem ad Deum Patrem per Christum unicum mediatorem diriguntnt. Quomodo autem interim plebs, à qua communes iste Ecclesiæ supplicationes in Latina lingua absconditè fuerunt, orare fuerit edictus, testantur Hortuli animq; & tabulæ passini iuxta imagines & ossa sanctorum.

---

Quinta pars.

*De Ordinationibus Orationis.*

C A P. XXXIX.

**Q**VINTA ACCUSATIO HEC EST, Librum velle, Orationem nullis preceptis astringi debere. Contra hoc adferunt, quod Apostoli certis horis orarunt, & multi ex S. Patribus ad Canonicas, & ordinarias preces certis temporibus fuerunt, adstricti quodque eos, qui negligentiores fuissent deprehensi, acriter corripuerint.

*Responso.*

**Q**uantum ad hūc locum pertinet, aduersarij partim Librum Reformationis, partim S. Patres calumniantur. Librum quidem, Quia nihil tradit contra ordinationem Orationis ad certas horas, quemadmodum Apostoli & S. Patres fecerunt: sed prohibet ne iunioribus orandi precepta ferantur, quibus constringantur conscientię. Sic enim sonant verba Libri, Non ut hoc religione Legis sanciatur, vnde conscientias superstitione obligari contingat.

Si verò Patres calumniantur, scribendo, quod Orationem ad certas horas astrinxerint. Ordinārunt enim non astrinxerunt: fratres ad id hortati sunt, non coegerunt: neminem abiecerunt aut condemnārunt, qui sine contemptu Dei eiusmodi Horas non obseruauit, quemadmodum nunquam ab omnibus equaliter obseruandas instituerunt aut postulārunt.

---

Sexta pars.

*Quatenus Oratio sit honor & cultus Dei.*

C A P. XXXIX.

**S**EXTA ACCUSATIO habet adhuc crassiore Calumniam. Dicunt enim quod Liber Reformationis vetet, Orationem fieri hoc modo, ac si sit opus quo honoretur Deus, sed velit, ut huc tantū dirigatur, quod in necessitate cū res poscit, aliquid à Deo impetrem.